



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Series Actorvm Omnivm In Canonizazione Sancti Thomae
a Villanova, Cognomento Eleemosynarij**

Romae, 1658

Beatissime Pater.

urn:nbn:de:hbz:466:1-9857

irriti mei conatus euasere ; ita ut non semel, penitus iam frustratum, commune desiderium ingemuerim . Tandem quadam die paginam Sanctissimo exhibui tenoris, vt sequitur, vt inde, quicquid actum fuerat in eadem causa , Suæ Sanctitati plenius innotesceret.

Beatissime Pater.

Natus est Thomas de Villanova in Oppido de Fuellana Tolitanæ Dioecesis ex Alphonso Thoma Garzia, & Lucia Martinez Nobilioribus Oppidorum Villanovæ de los Infantes, & Fuellanæ gentibus anno 1488.

A puerili ætate non obscura dedit Sanctitatis indicia , siquidem ientacula , ac veste s , quibus induitus erat , pauperibus largiebatur .

Constitutus in vigesimo secundo ætatis anno , ad Vniuersitatem Complutensem profectus, ad omnium liberalium Artium , ac præcipue Sacrae Theologiæ studia incumbens, quod ei supererat temporis, assiduis fundendis Deo precibus impendebat .

Annum agens vigesimum septimum die 24. Nouembris 1516. defuncto iam Patre , ac diu exorata annuente Matre , Hospitali pudicarum Mulierum integrum patrimonium addixit, & Ordini Eremitarum Sancti Augustini nomen dedit .

Sequenti anno in ea Religione professionem emisit, & biennio nedium elapso Prior Conuentus Salmantini, ac subinde Prouincialis , & Definitor diuersarum Prouinciarum suffectus, ea vitæ intégritate, eaque prudentia munia prædicta expleuit, vt

Anno 1544. à Carolo V. Archiepiscopali Ecclesiae Valentianæ nominatus esset ; at oblatam Dignitatem in virtute sanctæ obedientiæ , & sub pena excommunicationis iussus, quamuis iniuritus, accepit : Vitamque prorsus Angelicam dicens, ieunijs , ac precibus assidue vacans, humi super vitium fasciculis quiescebat ac pingues Ecclesiae reditus , demptis tantum ad vicum sui, honestæq; familiæ pernecessarijs , pauperibus distribuebat : adeòut Patris pauperum nomen, non immerito fuerit consecutus .

Anno tandem 1555. 8. Septembris ad Cœlum euolauit ; Eiusdemque intercessione, tanta dignatus est Deus operari mi-

racula ,

racula, ut Processibus in genere, & in specie, Apostolica auctoritate desuper compilatis, & mox in Sac. Rit. Congregatione discussis, die 21. Iulij 1618. eadem Congregatio declarauerit, constare de Processuum eorumdem validitate, & relevantia, quoad quatuor priora miracula, nempe Resurrectionis duorum puerorum, sanationis carcinomatis, & sanationis plagarum: & die 18. Augusti eiusdem anni pronunciauerit, probari insuper alia quatuor miracula, scilicet sanationis claudi, sanations ulcerum, liberationis à paralysi, & sanationis ophthalmiae.

Ob idquè admissa etiam plenissima probatione virtutum in gradu heroico, famæ sanctitatis, & frequentiarum populi ad eius sepulchrum, necnon repetitis miraculorum operatione, & approbatione, Sac. Rit. Congregatio die 7. Septembris 1618. censuit, posse quandocumq; Sanctissimo videretur, Dei serum declarari Beatum, ac propterea singulis annis die 18. Septembris in toto Regno Valentiae ab utriusque sexus Religiosis eiusdem Ordinis, & in Civitate Valentina, ubi corpus quiescit, ac in Dioecesi, cui per undecim annos præfuit, etiam ab omnibus utriusq; sexus Secularibus, & Regularibus Officium, & Missam respectuè de eodem Beato è Commun. Confess. Pont. sumenda, recitari, ac celebrari pariter concedi posse, cui decreto Paulus V. annuit, ac desuper litteras Apostolicas datas die 14. Septembris eiusdem anni 1618. expediri mandauit.

Die vero 19. Augusti 1619. Sac. Rit. Congregatio ad preces Philippi III. Regis Catholici, huiusmodi Indultum recitandi, ac celebrandi Officium, & Missam de Beato Thoma, decreuit extendum ad omnes Religiosos Augustinianos in Regnis Castelle, Aragoniae, & Catalonie degentes, necnon ad utrumq; Clerum Oppidi Villanouæ de los Infantes.

Subinde die 30. Martij 1621. Sac. eadem Congregatio, ad preces eiusdem Regis Catholici, censuit facultatem prædictam etiam extendi posse ad omnes Religiosos Augustinianos ubique Terrarum existentes, idquè Gregorius XV. approbauit die 19. Aprilis eiusdem anni, ac desuper litteras Apostolicas datas die 14. Maij iussit expediri.

Postea die 6. Septembris 1621. repetitis in Saera Congregatione notione, & approbatione eorumdem Miraculorum,

nec non alijs duobus Miraculis insuper approbatis, nempe concessionis lactis, & sanationis à podagra. Sac. eadem Congregatio censuit, posse ad solemnum Canonizationem quandocumque tuto deueniri, sequenti edito decreto.

Valentina.

B. Thomæ de Villanova.

Discussa diligenter, & mature perpensa, de mandato Sanctiss. D.N. in ordine ad Canonizationem causa B. Thomæ de Villanova Ordinis S. Augustini Archiepiscopi Valentini Congreg. Sac. Rit. pluribus super habitis sessionibus, Illustrissimo Card. Millino referente, censuit tuto posse Sanctissimum Dominum nostrum, quandocumque sibi libuerit, ad solemnum eiusdem B. Thomæ Canonizationem iuxta S. R. E. Ritum, & Sac. Canonum dispositionem, deuenires eumque definire Sanctum cum Deo regnante, atque universali Ecclesia proponere colendum, & venerandum.

Superuenerunt deinde noua Decreta Urbani Octavi, & siluit causa eiusdem Beati usque ad annum 1649.

Quo anno die 13. Iulij facta fuit omnium præmissorum relatio, & die 15. eiusdem fuit signata Commissio reassumptionis causæ in statu, & terminis, in quibus tunc eadem reperiebatur.

Die 24. eiusdem in Relatorem causæ fuit deputatus Cardinalis Cornelius, eique die 21. Augusti cura demandata est, sumendi probationes super easu excepto.

Quibus visis, atque discussis, die 25. Septembris declaratum fuit, constare, B. Thomæ cultum exhibitum fuisse, ac exhiberi ex Indultis Pauli Quinti, & Gregorij XV. ideoquæ casum comprehendti in exceptis à Decretis Sanctissimæ Inquisitionis super non cultu editis.

Die 16. Nouembris demandatum est examen opérum ab eodem Beato editorum Card. Cornelio, adhibitis Patribus Hilarione, & Alciato.

In Congregatione habita die 7. Martij 1650. pronunciatum fuit,